

بیر مدّت اولار عزادارلیقلاری بدعتلردن تمیزلهماق بحثی مختلف محفللرده گنډیر. هر ایل محرملیق آیی چاتماغینان عینی زماندا بعضیلری مختلف انگیزه لرینن تازا- تازا بدعتلر محرملیق مراسملرینه آرتیریرلار: باش یارماق، زنجیرله بدنلری پاره- پاره ائلهماق، شیپور چالماق، طویل چالماق، خیابانلاری باغلاماق، لوت سینه وورماق و چوخلو عجیب غریب ایشلر



بیر مدّت اولار عزادارلیقلاری بدعتلردن تمیزلهماق بحثی مختلف محفللرده گنډیر. هر ایل محرملیق آیی چاتماغینان عینی زماندا بعضیلری مختلف انگیزه لرینن تازا- تازا بدعتلر محرملیق مراسملرینه آرتیریرلار: باش یارماق، زنجیرله بدنلری پاره- پاره ائلهماق، شیپور چالماق، طویل چالماق، خیابانلاری باغلاماق، لوت سینه وورماق و چوخلو عجیب غریب ایشلر.

اسلام دینی، انسانین مالینا و جانینا او قدر اهمیت وئریر کی هر شرایطده واجب اولان و هنج و اخت واجبلیغی آرادان گنتمهین و اسلامین دیرگی و ستونو ساییلان نمازی، انسانین مال و جانی خطرده دوشن زمان سیندیرب قطع ائلهماق اولار. ایندی گوره سن عزادارلیقدان اؤترو انسانلارین یولونو باغلاماق، اونلارین دیوارلاری دیینده طویل وورماق و آسایشلرینی اللریندن آلماق و بعضاً ناخوشلارینی اوجا سس اینن اولوم حدینه قدر شکنجه وئرماغی نئجه تفسیر ائلهماق اولار؟

بو ایلدنده جوربه جور بنر، بیلورد، عکس و ... بو بدعتلره اضافه لشیب اوارجن کی حقیق عزادارلار داها بو جمعله قوشولماغا و اونلارینان چیگین چیگینه عزادارلیق ائلهماغا اورک ائلیه بیلیرلر. عزادارلیق مراسملرین اعلانلاری دینی مراسمینه یوخ بلکه داها چوخ انتخابات تبلیغاتینا بنزیر.

بونلار بیر طرفه، کربلا واقعه سی نین شرحینده عاشورا قیامی نین فلسفه سی و مقصدی نین شرحی یئرینه کربلاده اولانلارین قیافه لرینی وصف ائتمگه باشلاییرلار. -کی هنج کس گورمه ییب و اعتبارلی سندلر ده بو زمینه ده یوخدور. هنج کس اونلارین گورکملری نین پاراشیقلی اولدوغونو دانمیر اما مسأله یه بئله سطحی باخماق و قاش- گوز حدینه بئندیرماق عاشورا مقصدی نین ترسینه اقدام ائلهماق سایلیر. بو جور اقداملار و مسأله لر ضررلی زهر کیمیدیلر کی اونلارین قباغی آیینماسا قیسا بیر زمان ایچینده محرملیق عزادارلیقلاری نین مسیری تماماً دبیشتیر و آیری بیر شئییه تبدیل اولار.